



常山文集

十三十四

和文一

和16  
1736  
8





常山文集卷之十三

權中納言從三位源朝臣綱條輯


詩

七言絕句

巖船山看花

山寺芳櫻射我眸。玉幡瓔珞飾巖舟。有花此地卽華藏。九品蓮臺何遠求。

遊少林院。分探庭前樹。余得彩賦之。





羅列長杉蔽佛場。隔離天日露瀼瀼。差肩老  
檜古松樹。高聳雲頭碎月光。

和姪賴福櫻花韻

雨止白雲猶未收。清香撲鼻促良遊。攜樽牽  
杖芳櫻下。風度笠輕雪滿頭。

謝仙洲長老贈牡丹二首

洛陽三月牡丹芳。風度奉揚蘭麝囊。花先揚  
妃傾國色。清平納媚騶君王。

睡熟猫兒忘否臧。嗅天赤脚老婆香。鹿含花

發三春暮。苦折一枝供象王。

山寺逢三月盡

山寺春殘思悄然。暮鐘聲裏物推遷。不知人  
世老頻至。愛綠惜花徒度年。

遊淨光寺聽杜鵑

幽寺尋鵑勞行履。法燈淨光永續晷。倚柱暫  
被睡魔妨。聽瑩雲間聲些子。

山寺玩藤

藤蔓莊嚴山寺楹。風搖瓔珞寂無聲。絲條不



得繫春色却引慈恩白氏情

桐華

夏至梧桐華尚奇。清明井上紫雲披。鳳凰不  
集去何處。今日既知春德衰。

守春

花謝葉新藏老鶯。風光別我有多情。守春終  
夜不能寐。坐到月明鵲一聲。

和清水三世留別韻

孟春相伴出東關。夏始辭吾去。又還天各一

方千里。月影分武野。與常山

阿兄之喪未除。適遇丹陽節。古云居喪

不言韻語。故拗律亂道

愁中懶遇重五辰。鵬雨滴淚沾山中。白駒爭  
馳更不識。速似吳江競渡人

雨中荷葉 得疊字

解語猶未情好協。先花坐愛新荷葉。方池雨  
過翠蓋擎。晚風香度碧浪疊

螢



數點夜光珠。不如隨風密密。又踈踈。火星何事。隕天上。流傍書窗。分魯魚。

夏日遊和久村民家。竹林構茅店。遠看

青山。近臨長流。各分八音字。以賦得

土字。

檻前長流洗。竹觀遠山翠。黛接眉宇。遊心物外。縱逍遙。行行無處。不吾土。

送加藤景通還水戶。

萍水相逢。情不窮。臨筵吹袂。馬牛風。丈夫元

抱桑蓬志。勿屈一離一會中。

喜雨

分探農夫相與并於野句得野字

久旱草枯。土割赭。既喜天河忽瀉下。甘霖誰圓象夢祥。沛然浴澤有莘野。

和前薤山常寂院日周和歌末字。

曾辭薤山。一法窟。把茅容膝。纔十笏。截斷醉生夢死雲。高挑常寂光明月。

山中秋色

榮辱清貧風馬牛。尊鱸足矣亦何求。山童葉



落月孤靜。長得<sub>レ</sub>人間<sub>二</sub>世外<sub>一</sub>秋。

八月十五夜在鷺子村。松山看月<sub>得<sub>二</sub>名<sub>一</sub>字</sub>

偶遇<sub>二</sub>中秋<sub>一</sub>忘<sub>二</sub>旅情<sub>一</sub>。松山風碎葉間瓊。清光假

有<sub>レ</sub>陰晴異。更<sub>レ</sub>不能<sub>レ</sub>理<sub>二</sub>今夜<sub>一</sub>名。

雨中鴈 偶在旅舍

出塞圖南倦苦辛。一聲和雨助哀呻。蕭蕭檐

滴故鄉淚。彼亦來賓我亦賓。

和飯村宗興韻

紅樹交相綠野堂。風翻錦繡碎秋光。行行無

物不詩料。山水有文天有章。

停車坐愛楓林晚

小車巾錦往來過。四顧山顏醉樣酡。留<sub>二</sub>日<sub>一</sub>楓

林天不暮。秋風揮起魯陽戈。

偶過龍泰院。信筆漫簡種月師。

寂寞禪房遠市廛。月居突兀<sub>レ</sub>劈<sub>二</sub>旻天<sub>一</sub>。洒衣曹

洞長流水。濯足袋田千丈泉。

月居山名

和種月師韻



偶扣把茅一草廬。人希燕雀狎階除。東籬猶有傲霜菊。三徑未荒停蝶車。

旅中重陽

此地重陽喜偶遭。度山攀嶮自登高。秋風吹霽菊花雨。暫解行裝酌濁醪。

磯原海邊遇九月十三夜

一年兩度有佳名。月泛波濤碎玉聲。洗出冰輪蒼海水。中秋明孰暮秋明。

和小池友賢少年始言志三首

氣清天朗季秋時。風暖東籬餘數枝。松菊猶存三徑下。共高晚節歲寒姿。喜遘重陽落帽時。黃裳元吉滿籬枝。子安文質賁滕閣。潤色秋容逞妙姿。春花秋葉幾回時。唯愛後凋霜雪枝。培得青松纔數寸。嬰孩猶抱棟梁姿。

過清音寺賦遊山寺得僧字

閑適逍遙打葛藤。同參方外淡交朋。敲推悟入詩三昧。文字別傳沙門僧。



門音  
懣

和知苗閣黎遊久昌教寺卽事韻

郁郁法華蔭。荀林薰陶四。照宅身心懸。河瀉下三千界。憫笑禪僧兀。學瘖

孟冬十八日扣正宗禪寺霜葉半落紅

楓未衰各賦詩適興予感三年前遊

于此聊注微意云

今日再過鴉練那坐來懷舊感情多紅楓飽酌修羅酒風倒醉容山面醜

落葉

落葉慣聞夢不驚。秋來點滴瀉椽楹。雨聲洗出窻間月。林缺猶增一段明。

山家冬夕

山窻癡坐兀。筢筢投宿霜禽片。點輕晒背夕陽。天易暮。餘暉纔寄我殘生。

寄雪戀 探題

私語猶殘永夜晨。留歸埋沒雪繽紛。流風含恨洛神賦。寒氣凝膚姑射人。



山寺冬月

用洪武韻

叢林葉盡月彌明。霜上加霜山寺庭。天冷氣  
凝風凜凜。雲間挑出佛前燈。

遊曼多羅寺題夕雁

嗷嗷低度佛場邊。悉旦縱橫抹暮天。回首一  
行聲叫斷。倒懸塔影夕陽前。

狗日過小野岡輿中漫筆

元祿九年  
丙子

層冰漸解水潺潺。窻曙風溫白日閒。放足高  
岡遙矚望。紅霞一片色青山。

春雨催花

膏雨終朝不放晴。花脣含潤向春榮。油然雲  
起茅簷下。滴盡明皇羯鼓聲。

遊旌櫻寺賞花

得左字

旌櫻寺前花滿朶。朝來剪雪漸始墮。雨打風  
狂減却春鷓斑。夾徑右之左。

遊松倉大聖院賞花

得枝字

蕭寺巍巍臨斷崖。白櫻橫嶺白雲披。春風香  
度樹頭雪。埋沒東西南北枝。



和知苗比丘旅館聞杜鵑

行到水城三五程。友朋談舊慰離情。半醒半  
睡旅窗下。聞似不聞鵑一聲。

新綠勝花

得西字

花虛冷笑不言蹊。茂蔭老鶯藏葉啼。新樹四  
圍蒼鬱暗。風搖日影碧窻西。

海邊納涼

日落潮平縹緲中。嫩涼一味納懷濃。浪衝海  
岸青衫濕。纔漏輕帆滿腹風。

遊那珂港薄暮舉網獲魚

漁舟ノ影參差。終日網魚日已斜。波上有  
紋誰織得。晚風擲出水梭花。

兔

分十二神為題

明視無雄望月娠。文房雅友四相親。世間爭  
利為他有何異。韓盧東郭兔。

正木湖即景

正木湖邊棹夕暉。水煙風緩晚涼微。暫時倚  
棹放望眼。點破青松白鷺飛。



三木之幹大串元善大原信節等從行。  
皆和前韻再書眎之

佳哉山水有清暉。遠望筑波聳翠微。天地雖  
寬開眼窄。靜看魚躍與鷺飛。

螢 分探八陣  
圖得虎字

螢火秋近。祭庭宇。隨風撩亂雲上舞。夜來衆  
星隕於天。真偽猶疑市中虎。

會正宗寺探題賦得五月菊時雷啓和  
尚新命圓覺寓意賀之

探請秋光菊獨夸。達磨面目梵王家。南風誤  
復東籬下。先對黃裳元吉花。

串元善原信節歸江府賦新雁送其行  
探韻得風字

秋來度月一行鴻。離友南歸寥廓中。相約明  
年如有意。早搏湘左暮春風。

新涼 得西字

嘒嘒新蟬隔葉啼。秋風颯至我巖栖。振衣濯  
足不知暑。山有西兮湖有西。



和依三比丘西山即事

茅店雲蒸鎖竹扉。物皆得處物皆宜。靜閑道  
眼無青白。彼一時兮此一時。

十六夜看月得水字

今日既望偶遊此。高倉山鍾丘壑美。昨夜清  
光留不留。秋容速過東流水。

仲秋念六日扣飯村宗興黑澤宅登樓  
直下倚欄四顧。長流汎匯廬。犇衆山  
鬱排闥來。誠隱逸道士所盤旋。騷人

墨客所風詠也。一日遊此樓。放樽酌

興宗興賦一絕似余。即席和其韻。礎

樂牽愁緒恨居多。俯仰秋夫飛鳥過。摸景握  
毫拈李杜。撥灰煖酒酌陰何。

重陽風雨得君字

重陽終日暗重雲。含潤黃花獨吐芬。雨浥白  
衣風落帽。東籬浴出晉徵君。

楓未染探題

九月霜輕不染楓。滿林殘葉滿林風。秋容憔悴



悴山蕭索。青女慵妝。未放紅。

雨後秋山

雨晴氣朗。放吟望。翠黛秋衰。眉變黃。膚寸雲興。天賜浴。朝來洗出。滿山妝。

山寺冬景

得靜字

巾烏笻杖。驅冬景。四顧尚秀。松栢嶺。風葉埋路。僧房幽。身到靜處。心亦靜。

山家落葉

得鳥字

落葉埋徑。人跡少。山童不掩。月出皎。深林風

寒。無處藏。終夜却迷投。宿鳥

謝肥田政大寄早梅

探支春風。梅資始。十月纔看。白玉榮。世人皆以皮肉論。廣平獨得花骨髓。

雨後落葉

久雨濛濛。連日霖。晚風徐至。解重陰。夜來又駭遠檐。滴曉看。窻前落葉深。

餞酒泉弘歸江府漫筆戲之

天有酒星地酒泉。人中歡伯飲中仙。祇陀唯



戒顯然在。儒亦無量。味聖賢。

杲泰寺。卽興示朴巖師。

偶遊穴倉杲泰寺。喜逢季冬日二四。問師過去。七佛陀。復出人間。悟底事。

臘八偶過杲泰寺。禪談茗話。翊日朴巖

長老見投絕句一章。和答二首

寺古山高。一徑深幽。情閑適屬。登臨堂前。元有長松樹。世上安危質道林。

曹洞源流岸岸深。仰高日月法光臨。山頭風

唱貝多葉。天外雲香。蒼荀林

遊摩訶衍庵。歲暮述懷

世上年光曾不臻。日長山靜養天真。我無萬里布裘暖。只恨復迎駢拇春。

萬里布裘取諸樂  
天新製布裘詩

常山文集卷之十三終



常山文集卷之十四

詩


七言絕句

山中初春

元祿十年  
丁丑

霜曾不知。山中別有乾坤在。  
我占此地幾多載。四時其改我無改。人間星  
三宅小心氏賦絕句一章以賀頽齡者

權中納言從三位源朝臣綱條輯





希之算。予致仕遁世。七年于茲矣。誠天壤間一棄人也。胡受賀乎。然不能默止。次韻以戲之。

世間誰羨漆園椿。顧我愧逢駢拇春。膏盡燈殘燼纔在。恨猶未出死生塵。

遊願入寺。賦巖船山鶯。

綿蠻公子刷金翎。柳蔭春微未隱形。埋却巖船霞一抹。鶯琴似隔彩簾聽。

海邊霞

夕霏收處海風微。浪暖紅霞映釣磯。孤鷺齊飛斜日下。漁舟開得錦帆歸。

餘寒花遲 得水字

春風谷冷閉鶯晷。梅花占魁未放葉。冰肌凜冽結寒姿。踈影凍合清淺水。

碧桃 得地字

風暖雨育促佳致。碧桃先節園旣賁。淵明一去經幾年。此地誰縮武陵地。

村島正良亭賞櫻花



注意<sub>下</sub>豔陽去却來。早櫻黏履暫徘徊。春風吹  
碎荆公石。壓倒衆芳孤作魁。

和正燈寺玄功長老題余瑞龍山壽藏

詩韻

西山風物思悠然。樂只醞雞甕裏天。疇昔雖  
營墳墓地。世緣未盡愧驢年。

旅亭春月

得寒字

歸雁高飛起我嘆。回頭一鏡挂雲端。朦朧今  
夜旅亭月。叵耐煙霞隔廣寒。

遊朝比奈泰通亭賦湖上春望

千波湖上落霞飛。柳挾長堤映夕暉。遙覓紅  
雲措望眼。香風滿腹一帆歸。

頃日予賞梅花盛開中間七日歸山。大

半飄散。數枝纔殘。於是口號

梅發來兮梅落歸。看看昨是又今非。三春飛  
鳥遽過眼。悟入人間生死扉。

藥師寺見垂絲櫻耕雪僧正來會

得心字

爲花今日法車臨。瓔珞珠搖不聽音。只恨風



光離我去。垂枝縮出。惜春心。

海棠

灼爍海棠無力佳。仙遊花下暫忘咱。春風吹  
覺楊妃睡。千歲空留西蜀花。

琉球躑躅

羊躑躅歟將杜鵑。琉球異種暮春天。山丹練  
得陰陽火。素女妝來向玉仙。

和吳雲老禪西山卽興

三月老鶯深樹鳴。紅經綠緯擲梭成。對師半

日偷閒却。話盡春風無限情。

遊河合村看藤花

蒙密藤花刺眼新。垂枝帶雨紫雲勻。蔓松縷  
絡絲千尺。恨不繫留歸去人。

首夏送鶉飼千之多湖直歸江府

綠陰送別酒樽攜。醉倒玉山如蠹泥。相共釀  
春春幾日。奇峰雲起隔東西。

元祿十年丁丑夏五月十四日。弟賴雄  
卒于江戸。第二十四日。定于瑞龍山



先瑩之側。二十六日詣墓。奠酒燒香。  
躑躅不忍去。信筆漫道

叩墓試驚長夜眠。辨香無跡一爐煙。須雖原  
隰我求矣。不意山中棄爾還。

七夕雨

仰看牛女七襄商。雨洗天街夜色涼。填得漲  
來銀漢水。厲深揭淺二星裳。

八月二日進藤大和守泰通訪我西山。  
共賦山家秋興。闌韻得樹字。

風葉埋沒西山路。杖履印苔得恩顧。共酌濁  
醪蓬牕中。醉了縮盡銷魂樹。

送井上玄桐歸京師。注不檢泉。一則來

送言相約大力頭。一轡離愁風馬牛。楓錦襲  
衣千里客。屋梁殘月故鄉秋。

題旅鴈送名越正通松浦守約之江左  
離伴嗷嗷羈鴈哀。度風叫月白雲隈。不堪二  
十五絃怨。相約年年去却來。

落葉 得平字



月射紗窗帶雨聲。朝看木葉向風鳴。紅楓落盡秋容老。醉向山醒冷屈手。

開爐 得一字

爐底活火環堵室。引暖忘寒心既逸。終夜溫酒吹烏銀。我亦醉翁笑六一。

早梅

臘底梅開傲雪霜。寒風吹玉不琳琅。一陽來復一枝上。纔漏春光動暗香。

孟冬念三日偶過天德禪寺心越禪師

之塔

恭詣越師墳墓前。叫天打地欲驚眠。一朝挑起法燈火。照破東方萬八千。

途中遇雪

朝來雪散襲銀鞍。路白馬黃行路難。逆旅更無弘景贈深衣。君實不堪寒。

立春雪

風翻玉帶倒銀盃。臘底如何春忽回。林上同雲凝不散。雪花撩亂先年開。



仲春朔偶過潮來長勝禪寺共登後山。

放眼東南水天一色。雨奇晴好。即興

口號元祿十一年

緩牽藤杖扣雙林。攀上長勝萬仞岑。丁口吞

來波逆水。滿吭吐出海潮音。

波逆湖名

和長勝寺祖祥長老韻

停馬海雲山下村。開懷放目窄乾坤。老僧引

我苦分座。玉帶羞無鎖此門。

會久昌寺方丈。賦每年見梅

忘却離騷。詈屈平。每春抱恨苦。吾情。晨香暮

色。茲年亦愁殺。前村牧笛聲。

遊島田長德寺看藤花

水移花影水還勻。豔豔蒙茸刺眼新。蔓草繫

船行不得。波頭高聳紫綸巾。

心越師有佛國禮。普陀大士像。詩云。千

尺巖頭湧梵音。松濤萬壑徑幽深。雨

華盡見皆甘露。總是大悲不二心。偶



過巖谷山見之。薰誦再三。即時繼韻。  
銀濤殷殷海潮音。下看水流巖谷深。甘露滿  
山無悴色。慈雲法雨大悲心。

出佛國寺過高野村山家

夙出僧房三四程。水流激石咽而清。兩峯夾  
徑沾空翠。行過一山鵑一聲。

布穀

春夏之交不失時。鴈鳩擇木止深枝。終宵啼  
破情農夢。布穀窮民將救饑。

和魯山禪客過西山見寄韻

幾年面被達磨牆。挑起法燈千歲光。海口懸  
河驚俗耳。喝雷殷殷走阿香。

梅雨 得照字

柱礎潤處峽猿嘯。海霧連邊蜀鵑叫。黃梅時  
節暗愁雲。螢火不消帶雨照。

柳下納涼 探題

蒲柳先衰燈可親。翠絲隔日晚涼新。南風颯  
至北窗下。我亦羲皇上世人。



題烏蘭會

家設懸盆菓菓陳誦經乞食惑愚民何奚今  
繼日蓮武無罪親為有罪人

喜雨

晚風吹雨洗焦枯朝野交相足自娛不意今  
蒙顏氏澤早由稼穡一時蘇

八月十四夜

秋來今夜昊天清輾出雲衢輪未成月示人  
間敬器誠將圓還缺一分明

羈中間雁

旅窻獨坐到深更今夜始聞邊雁聲輾轉難  
成茅店夢吹燈挑起十年情

綠岡感舊

檐落園荒感慨多熟思往事鳥飛過一詩一  
酒皆如夢松冷風吟麥秀歌

和詠霰韻

維霰下零冬日天如何雷鼓殷無邊雲頭忽  
雨鮫魚淚白玉寒光照眼鮮



醫生數原宗的是歲八十。作歲且和歌  
寓微意取其末字以壽遐齡

元祿十二年  
己卯

八十衰翁八百彭。壽眉侑酒介春榮。曾聞仁  
者有陰德。醫國醫人自考成。

小川湖上望筑波山

雪縱寒威春不和。山頭忽老兩丫幡。遠望遙  
嶺眩銀海。高擎同雲築白波。

孟春念二日訪小川淨堅寺。羽日風嘯

長老賦詩申謝。即席次韻

偶尋山寺扣禪儀。老大誰鞭竹馬時。三尺牧  
童吹鐵笛。落梅恁麼出橫枝。

遊旌櫻寺。探題賦得禪房花木深

蟠屈旌櫻幾度年。深林密處白鷗翩。拈花微  
笑花還笑。笑破花顏磊直禪。

綠陰閑宴得鶯字

新綠陰中得其趣。酒闌不知日欲暮。游豫有  
度勿敢荒。舉盃樹下歌振鷺。



海邊眺望送人歸江府得十字

攜手徜徉海岸邊。遠措望眼水連天。君看潮有去來數。祖酒掃愁傾十千。

長谷僧正宜春和尚辱和余詩。主復不

忽釋手再步韻。礎二首

數里聲聞長嘯峯。人皆州上仰高風。跂望雲

樹勞遐想。日日盧塵積我躬。

惟儼禪師夜登山見雲開月現大嘯一聲聞數里故名長嘯峯盧全詩輓轡無繩井空挂渴心空去生塵埃

茅舍柴門對翠峯。檐牙咬雨竹呼風。箕居盤礴西山下。復為世人何鞠躬。

居說文通作踞押韻淵海五斗安能為鞠躬

過中山信敏亭賦寄鶴祝

玄裳刷羽編衣鮮。展翅御風長友僊。不忘乘軒千歲戒。佳聲高發九臯天。

入竹生兒孫

子葉孫枝遶竹籬。雷霆勃起箨龍兒。丁丁有接青雲勢。待見猗猗君子姿。



夏述懷

中山信敏來謁西山和歌會

火雲皆苦日流金。邂逅欣逢傳說霖。侵暑行人如有意。炎蒸不至筑波陰。

山居夏興

得氣字

世上火雲海波沸。山間風物別有味。心靜不知溽暑侵。坐石漱泉掬涼氣。

素聞三宅緝明探學淵。飲文字不意今日邂逅于此。對酌酒闌。叨抽短律戲之。

日邂逅于此。對酌酒闌。叨抽短律戲之。

久驚我耳轟雷霆。風度相逢水上萍。驟雨一過涼洗暑。忽開柳眼放垂青。

再和前韻

露談灩灩起風霆。難遇海中兩葉萍。跂望幾番回首處。雲披忽喜視天青。

蓮池晚興

得清字

白兔結毫翠管擎。葉間雪映夕陽明。風翻無熱池邊水。佛座莊嚴玉露清。

山家賞秋

得秋字



新涼侵牖火西流。池貯月光松喚颺。這箇山中雖遠世。勿忘皮裏有陽秋。

山行采蕈

靜覓松菰度岸崖。杖藜終日樂怡怡。地仙非敢不煙食。喫了商山四皓芝。

題華藏院鄰家楓

一樹江楓沙門家。風吹漁火入窻紗。飽霜紅葉日難暮。揮返魯陽三舍戈。

門音  
憑

落葉

樹端殘葉僅留秋。風冷林疎山更幽。深染紅塵官女恨。奚人題詠禁城溝。

十一月三日聞藥王院論義戲作

盈耳台徒心色論。風幡動處倒沙盆。斜陽影戢雙林冷。叫斷晚鴉爭宿喧。

旅亭夜雨和道昶師韻

夜深雨靜四無聲。朋友兩三斟酒更醉後。茗談扶旅况。檐間滴盡務觀情。



早梅 得深字

梅放芳唇含石心。凜凜沒被雪霜侵。番風未  
至暖雖淺。屋後一枝春意深。

冬川 探題

山肥川瘦季冬朝。遙望同雲鎖寂寥。流水半  
分平地雪。似青帶束白衣腰。

遊太田淨光寺賦遠山雪

雪融泥滑厲衣裳。藜杖牽吾扣上方。寒逼東  
山冰柱聳。回頭銀海眩斜陽。

梅花久薰 會久昌寺

暗香次第益精神。先者餘妝後効鬢。好是北  
南遲速異。長教騷客主張春。

梅 得再字

深衣玉色常相對。鐵腸石心無妖態。南枝散  
盡北枝開。一庭風光春也再。

那珂港樓上遠望

放眼賓賓樓上望。心灰情木兩全忘。杯看蒼  
海窄。天地不若道遙何有鄉。



夏月

探題

溽暑炎炎金未流。呼風乘月上高樓。雲開已  
漏半規影。天賜微涼一點秋。

人麻呂

探題

嘉名千載藉無窮。木末雲香吉野峯。明石扁  
舟入歌後。一聲欸乃有遺風。

舟中即興和答安積覺

瑟瑟荻蘆分水涯。群鷗啄步篆平沙。舟中枕  
藉沿流酌。回首斜陽眩眼花。

月洲師住玉泉寺。余始扣禪扉。走筆題

一絕兼簡座客

流水無冰送玉泉。何疑一喝野狐禪。腥風挽  
起卧龍睡。法雨慈雲覆大千。

山家秋雨

雲關巖戶不吹晴。寂寞草庵無限情。秋末霜  
輕山色未忽驚。風葉打窻聲。

常山文集卷之十四終







